

醫
統
正
脈
全
書

七十



金匱鈎玄卷二

江陰朱氏校刊本

元 丹溪朱震亨著 門人戴元禮錄

心痛 卽胃脘痛

心痛雖日數多不喫飲食不死若痛方止便喫還痛
必須三五服藥後方可喫物

大凡心膈之痛須分新久若明知身受寒氣口食寒
物而病於初得之時當以溫散或溫利之藥若曰病
得之稍久則成鬱矣鬱則蒸熱熱則久必生火原病
式中備言之矣若欲用溫散寧無助火添病耶由是



金匱要略 卷二
古方中多以山梔爲熱藥之向導則邪伏而病易退
正易復而病易安雖然病安之後若縱恣口味不改
前非病復作時必難治之也

山梔炒去皮每十五箇濃煎湯一呷入生薑汁令辣
再煎小沸服或入芎一錢尤妙山梔大者用七箇或
九箇大概胃口有熱而作痛非山梔子不可佐以薑
汁或半夏橘紅各五黃芩三甘草一

用二陳湯加蒼芎倍加炒梔痛甚者加炒乾薑從之
反治之法心痛輕者散之麻黃桂枝重者加石鱗川

芎蒼朮梔子必炒去皮用作丸服之

凡治病必須先問平日起居如何假如心痛有因平日喜食熱物以致血流於胃口作痛用桃仁承氣湯下之切記輕者用韭汁桔梗能開提氣血藥中兼用之

以物拄按痛則止者挾虛也以二陳湯加炒乾薑和之有蟲痛者面上白斑唇紅能食屬蟲治苦練根錫灰之類脈堅實不大便者下之

痛甚者脈必伏多用溫藥不用參朮可用附子



諸痛不可用補氣藥

客寒犯胃草薤蔻丸用之熱亦可用止用一二服

草豆蔻

一錢四分裹燒熱去皮

吳茱萸

湯泡洗去梗焙

益智仁

白殭蠶

橘皮

人參

黃芪

各八分

生甘草

歸身

炙甘草

桂皮

各六分

麴末

薑黃

各四分

桃仁

七箇去皮

半夏

洗一錢

麥蘖

一錢半炒黃

澤瀉

一錢小便多減半用之

柴胡

四分

詳膈下痛多爲用之

右一十八味除桃仁另研如泥外餘極細末同桃仁



研勻用湯泡蒸餅爲丸如桐子大每服三十九食遠
用熱白湯送下旋斟酌多少用之

又方用黃荊子炒焦爲末米飲調服亦治白帶

又方脾痛用海蛤粉佐以香附末用川芎山梔生薑
煎辣湯調服爲佳

又方單用牡粉酒調下一二錢氣實不可用

腰疼 濕熱 腎虛 瘀血

濕熱腰疼者遇天陰或坐久而發者是腎虛者疼之
不已者是也瘀血者日輕夜重者是也

脈大者腎虛用杜仲龜板黃栢知母枸杞五味之類
用猪脊髓丸

脈澀者瘀血用補陰丸中加桃仁紅花

濕熱者用蒼朮杜仲黃栢川芎

痰者用南星

凡諸痛皆屬火寒涼藥不可峻用必用溫散之藥
諸痛不可用人參蓋人參補氣氣旺不通而痛愈甚
矣

臍下忽大痛者人中如黑色者多死難治也

人面上忽有紅點者多死

脇痛

肝火盛 木氣實 有死血 肝急 有痰流注

木氣實 川芎 蒼朮 青皮 當歸

龍會丸瀉火要藥

死血 桃仁 紅花 川芎

痰流注 二陳湯加 南星 蒼朮 川芎

肝苦急急食辛以散之用撫芎蒼朮血病入血藥中行血脇痛甚者用薑汁下龍會丸肝火盛故也

全圖金立 卷二
咳嗽脇痛二陳湯加南星多香附青皮青黛薑汁

腹痛 有寒 積熱 死血 食積 濕痰

戴云寒痛者綿綿痛而無增減者是時痛時止者是熱也死血痛者每痛有處不行移者是也食積者甚欲大便利後痛減者是濕痰者凡痛必小便不利

脈弦強者食 脈滑者痰

滑痰多作腹痛用苔芎蒼朮香附白芷生薑汁入湯服腹中水鳴乃火擊動其水也二陳湯加黃芩黃連梔子

凡心腹痛必用溫散此是鬱結不散阻氣不運故病在下者多屬食宜溫散之

一老人腹痛年高不禁下者用

川芎

蒼朮

香附

白芷

乾薑

茯苓

滑石

痛風

四肢百節走痛

風熱

風濕

血虛

有痰

大法主方

蒼朮

南星

川芎

白芷

當歸

酒黃芩

在上者加羌活

桂枝

桔梗

威靈仙

在下者加牛膝

防己

木通

黃栢

血虛者多用川芎

當歸

佐以桃仁

紅花

薄桂治痛風無味而薄者獨此能橫行手臂領南星

蒼朮等治之

上中下痛風方

威靈仙

錢三

南星

兩二

苔芎

兩一

桃仁

錢五

白芷

錢五

桂枝

錢三

防己

錢半

蒼朮

兩二



黃栢酒浸炒紅花一錢

羌活三錢

神麴炒一兩

草龍膽五分

張子元氣血虛有痰濁陰火痛風

人參一兩白朮二兩

黃栢二兩炒黑色

山藥一兩

海石一兩瑣陽五錢

乾薑五錢燒灰

南星一兩

敗龜板二兩酒炙熟地黃二兩

粥爲丸

治臂痛

半夏錢一

陳皮五分

茯苓五分

蒼朮半錢

酒芩錢一

葳靈仙三分

白朮錢一

甘草少許

南星錢一

香附錢一

勞瘵 其主在乎陰虛 痰與血病

青蒿一斗五升童便三斗文武火熬約童便減二斗
去蒿熬至一斗入猪膽汁七箇再熬數沸甘草末收
之

虛勞身瘦屬火因火燒爍

勞病四物湯加人尿薑汁

咳血 痰盛 身熱多是血虛

戴云咳血者嗽出痰內有血者是嘔血者嘔全血者是咯血者每咯出血皆是血疙瘩衄血者鼻中出血也溺血小便出血也下血者大便出血也雖有名色分六俱是熱證但有虛實新舊之不同或妄言爲寒者誤也

青黛

訶子

山梔

海石

瓜蒌仁

右爲末薑汁蜜調噙化嗽甚者加杏仁後以八物湯

加減調理

金匱要略 卷二
身熱多是血虛四物湯加減

嘔血 火載血上錯經妄行

脈大發熱喉中痛者是氣虛用人參黃芪蜜炙黃柏
荆芥并當歸生地黃用之

嘔血用韭汁童便薑汁磨鬱金同飲之其血自清火
載血上錯經妄行四物湯加炒梔子童便薑汁

山茶花童便薑汁酒調

鬱金末治吐血入薑汁童便

炭帶血絲出者童便薑汁竹瀝

又方用韭汁童便二物相合用鬱金細研入在二物之內同飲其血自消

又方治衄血以鬱金如無鬱金以茶薑汁童便和好酒調服卽止之

咯血

薑汁童便青黛入血藥中用之加四物湯地黃膏牛膝膏之類

衄血

涼血行血爲主 犀角地黃湯入鬱金同用

經血逆行或血腥或唾血吐血用韭葉汁立効

溺血 屬熱

山梔子炒水煎服 或用小薊琥珀

有血虛者四物湯加牛膝膏

下血

不可純用寒涼藥必於寒涼藥中用辛味并溫如酒

浸炒涼藥酒煮黃連之類

有熱四物湯加炒梔子升麻秦艽阿膠珠

下血屬虛當歸散四物湯加炮乾薑升麻

